

U piyang ni ina

Nacaay pinuneng yu wawa hen kiyami, sisa, sani maduka tu ku tiretirementan i nipihulul, anu madukatu tanuungal satu a mikilim tu ina.

Melaw sa ci ina patudud satu tu piyang a pahinum tu tangic. Suwal saan “Kati! Ini ku piyang, aka tu katemangic!” ala satu tu piyang, u vekac tu nu maku a mihulul aca.

Yu herek sahen ku nipicudad i tarakaway a cacudadan, sawaden nu mamihulul kaku, awaay tu ku lamilamit nu tireng. “Anu ira hen kiya nanuwawaay mihadengay tu duka a piyang, a masupit ku valucu’ aku” saan ku nisimsim nira i valucu’.

Cacay a remiad nu davak, patelay ci ina, mapawan kaku a sitavu, pataynien i kadademakan nu kaku saan. Tangasa kaku i saka 3 a tungruh nu paisingan awaay ci ina i lalavu, i lalavu nira vacal, u pihacengay ku adada amin, simavutekay, simatiwiday nu kamay, nu kuku’. Suwal sa ku cacay a vavahian a wawa,

Katayra i 510 a vacal ci ina, nika, sipacauvay i takuwan, savaw tu tulu hakiya ku mihecaan nira vavahian a wawa, awaay tu ku dadimusa’ nira, suwal saan i takuwam : “ Vakiaw! Napasuwal ci vayi niyam, anu tayni kisu

katayra i alili a mikilim saan, dungdung han kira saedivan, i patukuran nu vacal u alili, a mamelaw tu nu misu cira.”

Vuhat han nu maku ku alili maru’ tu ci ina, araw, cekil saca ku valucu’ nu maku. U nipatengan tu ni ina a papimelaw i takuwan tu adadaay. Sulinay tu! U malemeday a tamdaw kaku, awaay ku utiihay nu tireng, caluway sahuyayan aca a talacuwacu:wa a misarakarakat. Hay! Awaay ku caayay kasedal nu kaludemakan i nikaurip nu mita, iraan caayay kasedal a demakan, na u tamda:w ku caayay kasivalucu’ a misedal, iraan mihadengay tu duka a piyangan, caay ka u piyang, u valucu’ nu misu ku mihadengay.

(文章大意 僅供參考) ※字數限 200 字

母親的糖果

兒時常受傷，哭著找母親，她總遞來糖果：「吃塊糖就不疼了。」含著糖，我止哭再玩。大學失戀時，心想：「如果還有小時候的療傷糖就好了。」某日清晨，母親來電要我送便當到醫院。我抵達時她不在，病房裡盡是重傷病患。小女孩叫我到 510 室穿過走廊去倉庫找她，母親靜坐其中。

她刻意讓我看見他人的苦難。那一刻，我懂了：我擁有健康、自由，已是幸運。療傷的糖果不在他人手中，而在我們心裡。真正的療癒，是轉念之間的清明與堅韌。

A u maan hakiya ku sakalavi?

Masuni tu kira nicaitan i cavengay a tuki i enemay nu kalaviiian, Yah! pisicera'! a u maan hani ku sakalavi. Tueman tu ku remiad, araw ciwi satu a tayra i yiese. Pasatuku han ku otovay i lilis nu lalan, mikilim tu kangalayan a kakaenan.

I lalavu nu yiese, u nitengeraan tu simal a ayam ku nikaen nu micudaday. Malehululay a kapah makakitin tu a kemaen tu ni'id'idan nisulesulan a titi. U ruma a lavang tireng sa a kemaen tu situngalay tu tinayi' nu vavuy a tuwami, iraan u mikuliyay masaliyut i sapad a patawsi kemaen tu nitucekan niciyenan a sinavel. sisacacay sananay a matuasay, pasinavel tu nipatawyiw a vasis atu kavi nu tamkuy. Nika, sacinglaw cacelcel sa ku tamdaw, maserep tu aca ku sakakemaen a valucu', kaitila tu i ngataay nu luma' a pacakayay a malavi ku ngaayay.

Caluway ku aniniay a wawa atu matuasay, anu caay kangalay a micacak, anu mangalay hen a pacena' tu kaen, pakatelay han kira micacakay, pataduen tu nu tawu a micacak tu kangayayen a kakaenan. mahaen tu kiyami ku urip nu aniniay a tamdaw.

Kanahatu caay kaw maamaan ku i tahkaay. Nika, nu sakaurip a kaen

nu luma' kiyami, sicamul aca tu tawa, tu kungku, tu nikaluwaluwah nu alumanay, masarumud ku valucu' nu luma', tanektek aca ku vecul. A maanen a miditek ku nikasa'ula'ulah nu masaluma'ay.

U kakataluma'an tu! Paengaw saan a pasakudul a mimelaw, tangelal saan kira masakaliti'ay i kakarayan a vulad. Nasahen ma'urun tuaca kaku tu ayaway a kaen nu luma', kasicah caay ka u maan ku nicacakan a sinavel. Nika u nisakilemelan nu tamdaw nu luma' a micacak, a ki'alesu'an aca haw nu palutingay ku kaen nu mita? mangalay tuaca kaku a mipalita tuya tataluma'ay i lalan a tamdawan, “makareheten hen haw kamu, u lisin nu sarahevaran kina lavii kiyami”!

(文章大意 僅供參考) ※字數限 200 字

今晚要吃什麼？

牆上鐘聲敲響六點，下班後我煩惱晚餐。天色漸暗，不知不覺騎車來到熱鬧的夜市。把機車停在路旁，夜市人潮熱鬧，食物豐盛，但因人聲吵雜，卻讓我失去食慾，轉而回到家附近找間安靜的小店。現代生活便利，外食應有盡有，若不想在家做飯，即可打電話訂餐，生活上方便許多。夜深了，我抬頭望月，忽想起家鄉的家常菜，那份簡單卻蘊含人情味的滋味令人思念。不禁想問，回家路上的你們，是否還記得今晚是中秋？